

女
科
精
華

嚴鴻基題



南京中医药大学图书馆藏

民國十年甯波
汲綆書莊印行



南京中医药大学图书馆藏

序

吾國自軒岐以來。醫籍浩如煙海。而女科之書。亦汗牛充棟。處今日而欲研究國醫學。非擇精守約不可。東西醫籍。日見輸入。學者精神有限。既欲注意於國醫學。復欲參觀東西學。幾有日不暇給之勢。余輯女科精華。即本精約二字之義。先古聖法。規猶欲導水必先窮源也。次先哲粹言。曾卓然得然後溯其流也。次中外名論。廣見猶窮源溯流。然後旁證曲引。借觀自鏡。以三卷而女科經帶胎產之學備矣。倘世有博學者見之。以為此是糟粕。此仍允蕪不足當精約二字。吾亦聽之而已。

民國九年歲次庚申春月

慈谿嚴鴻志序於退思廬

退思廬文科精華目錄

卷上

古聖法規

素問

金匱婦人妊娠病脉證并治

金匱婦人雜證脉證并治

金匱方

卷中

先哲粹言

論女科大意

論治婦科當悉衝任兩脉

論神思間病難治

論月經之本

論天癸為精血之源

難經

金匱婦人產後病脉證并治

內經方

論命門

論男女氣血運行之別

論經帶

論天癸崩帶各病由於奇經

論經行當慎將理



南京中醫藥大學圖書館版印

論調經之法

論因病致經不調

論經不調各有所因

論經水來原

論行經不常

論賦秉不齊經行異常

論天癸至當及時婚配

論停經不可漫治

論經水變化

論經色變動由於命火衰旺

論經愆期由於陰虛多火

論經閉由於病發心脾

論經閉與血隔血枯不同

論經脈壅遏由於痰氣

論經閉則生寒熱

論治血宜治氣

論氣血陰陽升降

論帶下三十六疾

論帶下五色因風邪入於胞門

論帶下屬濕熱寃結不散

論帶下有寒熱虛實之分

論淋帶淫濁

論帶下各家所主不同

論崩漏

論崩由妄治

論崩宜止截

論治崩不宜用溫熱峻補

論治崩漏之法



南京中醫藥大學圖書館藏

論血崩用藥

論崩中由傷損衝任

論血崩因虛熱

論崩中五色俱下

論婦女有花無花之別

論求嗣之法

論成孕之道

論求嗣補養法

論受孕有內外入留之分

論不孕各有所因

論惡阻

論逐月養胎主氣

論半產

論安胎之法

論胎孕治法

論胎產宜慎藥

論漏胎之因

論半產漏下

論鬼胎

論暗產

論辨胎男女法

論胎前三大病源

論妊娠腫脹

論子死腹中藥宜慎用

論胎孕忌藥並歌括

論治胎產不可執一

論產後三病

論產後治法



論產後審症

論產後頭汗

論產後血暈

論產後浮腫并治法

論產後傷寒并治法

論病血分原由

論產後宜補

論治產後宜以生化湯加減

論癥瘕

論腸覃石瘕

論治奇經之藥

論經產兼證方法

論婦女易致虛勞

論婦科診法

卷下

中外名論廣見

陰陽水火氣血論

男女異同論

奇經八脉大旨

全體功用大略

中西營衛說

熱入精室論

熱入血室廣論

中西剖解血室考

中西剖解帶脉考

中西剖解三焦考



婦人病勞似孕受孕似勞辨

求嗣論

全體新論摘要

診治婦科心得說

調經以治氣為先說

婦科精蘊摘要



南京中医药大学图书馆藏

退思廬女科精華卷上

慈谿嚴鴻志癡孫笈纂輯

男智鶴梅村校字

古聖法規

素問

上古天真論黃帝曰人年老而無子者材力盡耶將天數然也歧伯曰女子七歲腎氣盛齒更髮長二七而天癸至任脉通太衝脉盛月事以時下故有子三七腎氣平均故真牙生而長極四七筋骨堅髮長極身體盛壯五七陽明脉衰面始焦髮始墮六三三陽脉衰於上面皆焦髮始白七七任脉虛太衝脉衰少天癸竭地道不通故形壞而無子也

評熱病論月事不來者胞脉閉也胞脉者屬心而絡於胞中今氣上迫肺心氣不得下通故月事不來也

陰陽別論二陽之病發心脾有不得隱曲女子不月其傳為風消其傳為息賁者死不治

腹中論有病胸脇支滿者妨於食病至則先聞腥臊臭出清液先唾血四支清目眩

時時前後血病名血枯。此得之年少時。有所大脫血。若醉入房。中氣竭。肝傷。故月事
衰。少不來也。治之以四烏鮑骨一蘆茹。二物并合之。丸以雀卵。大如小豆。以五丸為
後飯。飲以鮑魚汁。利腸中。及傷肝也。

腹中論。帝曰。何以知懷子之且生也。歧伯曰。身有病而無邪脈也。平人氣象論。婦人
手少陰脈動甚者。姪子也。

六元正紀大論。黃帝問曰。婦人重身。毒之何如。歧伯曰。有故無殞。亦無殞也。帝曰。願
聞其故。何謂也。歧伯曰。大積大聚。其可犯也。衰其大半而止。過者死。

奇病論。黃帝問曰。人有重身。九月而瘖。此何為也。歧伯曰。胞之絡脈絕也。帝曰。何以
言之。歧伯曰。胞絡者。繫於腎。少陰之脈。貫腎。繫舌本。故不能言。帝曰。治之奈何。歧伯
曰。無治也。當十月復。

痿論。悲哀太甚。則胞絡絕。胞絡絕。則陽氣內動。發則心下崩。數溲血也。故本病曰。大
經空虛。發為肌痺。傳為脈痿。思想無窮。所願不得。意淫於外。入房太甚。宗筋弛縱。發
為筋痿。及為白淫。故下經曰。筋痿者。生於肝使內也。

痿論。論言治痿者。獨取陽明何也。歧伯曰。陽明者。五藏六府之海。主潤宗筋。宗筋主



束骨而利機關也。衝脈者，經脈之海也。主滲灌谿谷，與陽明合於宗筋。陰陽總宗筋之會，會於氣街，而陽明為之長，皆屬於帶脈，而絡於督脈，故陽明虛則宗筋縱，帶脈不引，故足痿不用也。

離合真邪論：天地溫和則經水安靜，天寒地凍則經水凝泣，天暑地熱則經水沸溢，卒風暴起則經水波湧而龍起。

玉機真藏論：風寒客於人，由脾傳腎，病名曰疝，瘕，少腹冤熱而痛，出白，一名曰蠱。難經

十九難曰：脈有順逆，男女有恒，而反者，何謂也？然男子生於寅，寅為木，陽也，女子生於申，申為金，陰也，故男脈在關上，女脈在關下，是以男子尺脈恒弱，女子尺脈恒盛，是其常也。反者，男得女脈，女得男脈也。

二十八難曰：其奇經八脈者，既不拘於十二經，皆何起何經也？然督脈者起於下極之俞，並於脊裏之上，至風府入屬於腦，任脈者起於中極之下，以上至毛際，循腹裏上關元，至咽喉間，上頤循面，入目絡舌，衝脈者起於氣街，並足陽明之經，夾臍上行，至胸中而散，帶脈者起於季脇，迴身一周，陽蹻脈者起於跟中，循外踝上行入風也。

陰蹻脉者亦起於跟中循內踝上行至咽喉交貫衝脉陽維陰維者維絡於身溢畜不能環流灌溢諸經者也故陽維起於諸陽會陰維起於諸陰交也

二十九難曰奇經之為病何若然陽維維於陽陰維維於陰陰陽不能自相維則張然失志溶溶不能自收持陰蹻為病陽緩而陰急陽蹻為病陰緩而陽急衝之為病逆氣而裏急督之為病脊強而厥任之為病其內若結男子七疝女子瘦癯帶之為病腹滿腰溶溶若坐水中陽維為病苦寒熱陰維為病苦心痛此奇經八脉之為病也

金匱婦人妊娠病脉證并治

師曰婦人得平脉陰脉小弱其人渴不能食無寒熱名妊娠桂枝湯主之於法六十日當有此證設有醫治逆者却一月加吐下者則絕之

婦人宿有癥病經斷未及三月而得漏下不止胎動在臍上者為癥瘕害妊娠六月動者前三月經水利時胎也下血者後斷三月衄也所以血不止者其癥不去故也當下其癥桂枝茯苓丸主之

婦人懷妊六七月脉弦發寒熱其胎愈脹腹痛惡寒者少腹如扇所以然者子藏開

故也。當以附子湯溫其藏。

師曰：婦人有漏下者，有半產後因續下血都不絕者，有妊娠下血者。假令妊娠腹中痛為胞阻，膠艾湯主之。

婦人懷娠腹中疔痛，當歸芍藥散主之。

妊娠嘔吐不止，乾姜人參半夏丸主之。

妊娠小便難，飲食如常，當歸貝母苦參丸主之。

妊娠有水氣，身重，小便不利，瀝浙惡寒，起即頭眩，葵子茯苓散主之。

婦人妊娠宜常服當歸散主之。

妊娠養胎白朮散主之。

婦人傷胎，懷身腹滿，不得小便，從腰以下重，如有水氣狀，懷身七月，太陰當養，不養此心氣實，當刺瀉勞宮及關元，小便微利則愈。

金匱婦人產後病脉證并治

問曰：新產婦人有三病，一者病瘧，二者病鬱冒，三者病大便難。何謂也？師曰：新產血虛多汗出，喜中風，故令病瘧。亡血復汗，寒多，故令鬱冒。亡津液，胃燥，故大便難。



產婦鬱冒其脉微弱不能食大便反堅但頭汗出所以然者血虛而厥厥而必冒冒家欲解必大汗出以血虛下厥孤陽上出故頭汗出所以產婦喜出汗者亡陰血虛陽氣獨盛故當汗出陰陽乃復大便堅嘔不能食小柴胡湯主之病解能食七八日更發熱者此為胃實大承氣湯主之

產婦腹中疝痛當歸生姜羊肉湯主之并治腹中寒疝虛勞不足產後腹痛煩滿不得卧枳實芍藥散主之

師曰產婦腹痛法當以枳實芍藥散主之假令不愈者此為腹中有乾血著臍下宜下瘀血湯主之亦主經水不利

產後七八日無太陽證少腹堅痛此惡露不盡熱在裏結在膀胱不大便煩躁發熱切脉微實再倍發熱日晡時煩躁者不食食則譫語至夜即愈宜大承氣湯主之

產後風續之數十日不解頭微痛惡寒時時有熱心下悶乾嘔汗出雖久陽旦證續在者可與陽旦湯

產後中風發熱面正赤喘而頭痛竹葉湯主之

婦人乳中虛煩亂嘔逆安中益氣竹皮大丸主之

產後下痢虛極。白頭翁加甘草阿膠湯主之。

金匱婦人雜證脉證并治

婦人之病。因虛積冷積氣。為諸經水斷絕。至有歷年血寒積結胞門。寒傷經絡。疑堅在上。嘔吐涎唾。久成肺癰。形體損分。在中盤結。繞臍寒疝。或兩脇疼痛。與臍相連。或結熱中痛。在關元。脉數無滄。肌若魚鱗。時著男子。非止女身。在下未多。經候不勻。令陰掣痛。少腹惡寒。或引腰脊。下根氣衝。氣衝急痛。膝腔痛煩。奄忽眩冒。狀如厥癰。或有憂慘。悲傷多嘔。非有鬼神。此皆帶下。久則羸瘦。脉虛多寒。三十六病。千變萬端。審脉陰陽。虛實緊弦。行其鍼藥。治危得安。其雖同病。脉各異源。子當辨記。勿謂不然。

婦人咽中如有炙臠。半夏厚朴湯主之。

婦人藏燥。喜悲傷欲哭。象如神靈所作。數欠伸。甘麥大棗湯主之。

婦人吐涎沫。醫反下之。心下即痞。當先治其吐涎沫。小青龍湯主之。涎沫止。乃治痞。瀉心湯主之。

問曰。婦人年五十。所病下血。數十日不止。暮即發熱。少腹裏急。腹滿。手掌煩熱。唇口乾燥。何也。師曰。此病屬帶下。何以故。曾經半產。瘀血在少腹不去。何以知之。其證唇

口乾燥故知之。當以溫經湯主之。

帶下經水不利。少腹滿痛。經一月再見者。土瓜根散主之。

寸口脉弦而大。弦則為減。大則為亢。減則為寒。亢則為虛。寒虛相搏。此名曰革。婦人

則半產漏下。旋覆花湯主之。

婦人陷經。漏下黑不解。膠薑湯主之。

婦人少腹滿如敦狀。小便微難而不渴。生後者。此為水與血俱結在血室也。大黃甘

遂湯主之。

婦人中風。七八日續來寒熱。發作有時。經水適斷。此為熱入血室。治之無犯胃氣。及

上二焦。必自愈。

婦人中風發熱惡寒。經水適來。得之七八日。熱除脉遲。身涼和。胸脇滿如結胸狀。讖

語者。此為熱入血室也。當刺期門。隨其實而瀉之。

陽明病下血。讖語者。此為熱入血室。但頭汗出。當刺期門。隨其實而瀉之。澀然汗出

即愈。

婦人經水不利下。抵當湯主之。



婦人經水閉不利。藏堅癖不止。中有乾血。下白物。礬石丸主之。

婦人六十二種風。及腹中血氣刺痛。紅藍花酒主之。

婦人腹中諸疾痛。當歸芍藥散主之。

婦人腹中痛。小建中湯主之。

問曰。婦人病飲食如故。煩熱不得卧。而反倚息者。何也。師曰。此名轉胞。不得溺也。以胞系乖戾。故致此病。但利小便則愈。宜腎氣丸主之。

婦人陰寒。温中坐藥。蛇床子散主之。

少陰脉滑而數者。陰中即生瘡。陰中蝕瘡爛者。狼牙湯洗之。

胃氣下泄。陰吹而正喧。此穀氣之實也。長服訶黎勒丸。

師曰。經水前斷後病。水名曰血分。此病為難治。先病水後斷經水。名曰水分。此病易治。何以故。去水其經自下也。

